

Q. D. O. M. B. V.

HISTORIAM ECCARDI II. MARCHIONIS MISNIÆ

ET IN EA

TRANSLATIONEM
SEDIS EPISCOPALIS
CIZA-NVMBVRGVM

PVBLICO EXAMINI SISTVNT

PRÆSES

CASPAR SAGITTARIVS D.

Histor. Prof. P.

ET

RESPONDENS

PHILIPPUS BERNHARDUS *Ed*

RODA-THURINGUS.

JENÆ

typis NISIANIS, Anno MDCCCXXX.



[Handwritten signature]

[Handwritten signature]

[Handwritten flourish]

V I R O
ILLVSTRI GENEROSO & PRÆSTRENVO
D O M I N O
JOHANNI D I T E R I C O
A S C H O N B E R G

Hæreditario Domino in Goldscha & Wol-
chendorf, Confiliario intimo & Cancellario Sa-
xo-Altenburgico, &c.

Vt &

V I R O
MAGNIFICO, EXCELLENTISS. & CONSVLTISS.
D O M I N O
JOHANNI C A S P A R I
H E N D R I C H

Hæreditario Domino in Benndorff & Ni-
der-Wellnborn, Jcto consummato, Confiliario
Saxonico & Proto-Synedrii Saxo-Altenburgici
Præsidi.

*Mæcenatibus & Patronis suis sum-
mo observantiæ obsequiique cultu
reuerentem de venerandis.*



CCARDVM II Vobis sisto, Viri Maximi, inclytum seculo XI. Germaniæ Principem, eundemque Marchiæ Misnensis præpotentem Dominum. Et si statua ejus in æde cathedrali Numburgensi conspicua, ipsa tamen historia hæcenus prope in obscuro, certe tanta non fuit cum cura pertractata, quantam & genus & merita Herois videbantur exigere. Enim vero Patre natus est Eccardo I. Misniæ non minus Marchione, quam Thuringorum Duce, qui tantum nominis gloriæq; contraxerat, ut ab Ottonis III. Germaniæ Regis ac Romani Imperatoris excessu utriusque fastigii consequendi spem haud exiguam conciperet. Svonchildæ matris conditio quoque illustris erat, cujus patrem Hermannum Billungum ex dynastis Saxonis pro virtutum meritis adeo æstimavit Otto I. Cæsar, ut splendidissimo Ducis Saxonie elogio amplissimæq; provinciæ coronaret regimine. Quid dicam de Eccardi nostri meritis Henrico III. Imp. usq; adeo probatis, ut Fidelissimi Fidelis præconio omni triumpho potiori eundem mactaret. Inter reliqua autem Eccardi gesta præcipue eminet Episcopalis sedis Ciza Numburgum versus translatio, digna utique quam in paulo curatius inquireremus, cum præsertim præcipua ejus causa nec diligentissimo Citizenensis historiæ conditori Paulo Langio Boloviensi monacho fuerit perspecta. Quod certiora hac de re detur profiteri, vetusta faciunt diplomata, quæ in Eccardina hac historia in lucem proferuntur. Non autem aliis, quam Vobis, Mæ-

DEDICATIO.

cenates optimi, hoc Antiquitatum nostratum Specimen erat offerendum, quippe qui historiæ Germanicæ & patriæ inprimis estis intelligentissimi, ac omnes illos æstimateis & fovetis, qui in iis sollicitius elaborare cupiunt: quin & ipsi non raro in iis rimandis & discernendis operam ponere munerum vestrorum splendore non indignū censeatis. Vidi ejus rei apud Præsidentem hujus exercitii Academiici testimonia luculenta, nec est, cur diffitear, ipsum illum esse, qui hoc studiorū genus vel ab infinito usu suo toties mihi commendaverit, & ad hanc quoque inscriptionem auctor mihi fuerit. Huc accedit rarum istud ac singulare patrocinium, quod a tot retro annis pater meus Ser. Duc. Saxo-Altenburgicis serviens locupletissime expertus, & cujus partem vestra magnitudo in meam quoque parvitatem cœpit derivare. Ita pergite Statores Consiliorum Ducalium splendidissimi, ac porro non minus Genitorē meum quam me perennatura vestra gratia complectimini. Pro quo uti immortales per omnem vitam Vobis habueto grates, ita cœleste Numen continentibus precabor suspiriis, velit Vos decora patriæ ac fulcra excellentia servare diutissime, ac aliis super alios successibus mirifice augere. Si deniq; hanc qualemcunq; dedicationem pro gratulatione splendidissimorum, quibus a Sereniss. Patriæ Patre nuper aucti estis, munerum accipere non indignati fueritis, in cœlo se putabit

V. VIRI MAXIMI

Scribeb. Jenæ XXVII. Julii

An. cōs lœ LXXX.

eliberantissimum clientis ac admiratoris periculum

PH. BERNHARDUS ECK.



SECTIO I.



ECCARDVS II. Marchio Misniæ Patrem habuit Eccardum I. Marchionem Misniæ & Thuringiæ Ducem : matrem, Syonchildam, Hermannii Billingi, Saxonie Ducis filiam : fratres, Hermannum & Guntherum : Sorores, Luidgerdam, Mathildam & Odam : patruos, Guncelinum & Brunonem.

Et Pater ECCARDI II. & mater, nec minus fratres & sorores, itemque patruus ex Historia ECCARDI I. a Cl. Dn. Præfide anno MDCLXXV. in hac Salana publice proposita jam innotuerunt. Matris, fratrum sororumque notitiam pandit Sectio XVIII. Patruorum, Sectio III. Hermannus autem frater, & patruus Guncelinus denuo in hac ipsa dissertatione non semel in conspectum venient.

SECTIO II.

Postquam Eccardus Pater ab Ottonis III. 1002. Germaniæ Regis & Romani Imp. excessu regnum affectans Poledæ erat occisus, & Jenæ sepultus, Eccardus II. una cum matre ac fratribus Misnam concessit.

Decade & sepultura Eccardi I. a Dn. Præfide actum laudatæ dissertationis Sect. XVI. & sequenti. Ditmari Episcopi Mersburgensis verba huc facientia, ut & profectio- nem Misnensem significantia ex lib. V. Histor. repeto : *Hermannus accepta nece parentis improvisa, cum matre celeriter occurrit, patrisque corpus ingenti luctu suscipiens, in urbe, quæ JENA dicitur, sepeliri fecit. Peracto autem tricesimo die, Domina Schvonebilda ad Misni proficiscitur cum filiis. Tricesimus ille dies (quod in transcurfu moneo) subindicare videtur, menstruam illam ab obitu nostratium quietem jam tum illo ævo receptam fuisse.*

SECTIO III.

1003. Misnam tum ex paterna hæreditate accepisse videtur Hermannus, Eccardi II. frater: sed brevi post occupat Guncelinus patruus, ac Boleslao Polono deditam custodiendam accipit. Qvam cum ille postea restitui sibi postularet, 1004. Guncelinus formidine novi ab Henrico II. Rege periculi, cujus interea militem præsidarium receperat, id detrectat.

§. I. Prolixe rem omnem exponit Ditmarus lib. V. pag. 108. 109. 115. editionis Maderianæ. Nonnulla huc spectantia afferam : *Interim Bolizlaus, Misenonis filius, patre longe inferior, de morte latatur Comitû Ekkehardi, moxque electo exercitu omnem Geronis Comitû Marcham, citra Albim jacentem, deindeque præmissis obsidibus Budissinam civitatem cum omnibus adpertinentiis, comprehendens, statim Strelam urbem invasit, Misnenses pecunia corrumpere clam tentans.*

Qui

Qui novis semper gaudentes, in una dierum, cum praesidii maximam multitudinem, ob acquirendam eorum annonam, exisse comperirent, portam quæ Orientem respicit, in ea parte, quæ satellites habitant, dicti Slavonice Vcthenici Cukesburgiens, Guncelino ad hoc Duce irruunt, Breccionemque, Hermann Comitis satellitem, primo occidentes, ad caminatum, ejusdem omnes armati conveniunt, fenestram lapidibus impugnant grandibus, dominum urbis, Ocerum nomine, sibi ad occidendum reddi vociferantes. Sed Ditmarus miles, ex cubiculis sola munitione, quare sic, inquit, agitis? quis furor vos ita seduxit? ut obliti beneficiorum Comitis Ekkihardi, spontaneæque invitationis, sic assurgitis in perniciem filii? Si causam tanti facinoris seu publice seu clam cuiquam nostrum vultis aperire, commissi emendationem vobis complacitam, futurique timoris vestrimet securitatem ex mci Senioris, nostrorumque omnium parte, firmiter, qualitercunque vultis, promitto. Hunc quem in mortem vobis dari inclementer exposcitis, nobis viventibus non accipitis. Paucis sumus, aut communiter mori, aut incolummes urbe hac nos exire pro certo sciatis. Tunc illi auditis sermonibus his, colloquuntur, abeundi que licentiam hic prestantes, Ducem Bolizlavum per internuncios invitant, portisque eundem suscipiunt apertis. — Interim dum Rex Henrici Comitis urbem, Cruclin vocatam, possedit, Bolizlavus eum in aliquo sedere summo pere nisus, clam exercitum colligit, & per nuncios suimet Guncelinum fratrem hortatur, ut memor firmæ promissionis, urbem Misnensem suæ redderet ditioni, amicitiamque renovaret pristinam. Ille autem sciens, istius ingressu a gratia Regis, & a domino talis se penitus exclusum iri, mandatis talibus respondit: Omnia quæ præter hæc a me expetis, frater, libenter

impendo, & si unquam hæc faciendi opportunitas accideret, non recuso. Sunt mecum senioris mei satellites, qui talia non patiuntur, & si hoc publicatur, vita mea cum omnibus quæ possideo, periclitatur. *Hac legatione accepta Bolizlavus, internuntios custodiri, & legionem ad Albim properare iussit.*

§. II. Non adeo diu post excessum Eccardi I. hæc gesta esse autumo: certe Fabricium *Annal. Urbis Misne lib. II.* ad annum ciox. illa referentem non puto audiendum. Sed & idem tum in his Annalibus, tum *Originum Saxonicar. lib. III.* in ipsa historiæ serie cespitat aliquoties; quæ tamen hic examinare nostri non est propositi.

SECTIO IV.

Ob hoc Guncelinum Marchionis Misnensis munere elogioque, quæ alioquin Eccardi I. filiis, certe Hermannō majori fratrum deberi videbantur, ab Henrico II. Cæsare ornatum reor.

Eccardo I. Marchiam Misnensem, quæ olim ex arbitrio Regum Germaniæ pendebat, in hæreditatem cecidisse, magnorum virorum est opinio, eoque ipse Cl. Dn. Præses inclinat in Historia Eccardi I. Sect. VIII. §. IV. Et vero nisi Eccardi Patris obstitisset arrogantia, novarumque rerum studium, nec Guncelini patrui accessisset perfidia, dubium non est, quin hæc Hermannō obtigisset. At prævaluisse videtur Guncelinus, fratris filiis nimium insensus: quem ex eo aliquoties *Marchionis* titulo maculat Ditmarus.

SECTIO V.

1008,

Post aliquot annorum decursum cum simul-

multas Guncelinum inter & Hermannum in sæ-
vum erumperet bellum, ECCARDVS II. Her-
mannum fratrem, præsertim in occupando no-
bili ad Salam castello strenue adjuvit.

§. I. Ditmarus lib. VI. pag. 153. Hermannus Comes &
Guncelinus Marchio invicem certantes inusitato in his regionibus
more conflixere. Namque Guncelinus Strelam civitatem
a militibus Hermannii custoditam expugnare tentans, & nil
proficiens, Rochlitz urbem juxta Mildam flumen positam, &
non bene provisam, incendio consumere præcepit. Insuper quic-
quid incommoditatis prædicto Comiti, quia semper patrum in
fratribus filios severi, facere potuit, id nullatenus distulit.
Hermannus & Ekkihardus confratres castellum quoddam,
juxta Salam situm, quod Guncelinus unice sibi dilectum muris
& presidio firmavit, bonisque innumerabilibus implevit, ex
improviso manu valida circumdantes expugnant, & divisa
omni congerie, radicibus illud dejiciunt, ac incendio consumunt.

§. II. Quodnam fuerit ad Salam castellum, a nobili
fratrum biga expugnatum nondum memini me legere: &
quia Dn. Præses jam tunc de Eccardo I. commentans de eo
viros in his studiis bene versatos per literas consuluit, nec
certa habuit comperire, videndum an posterior ætas tam-
hæc, quam alia multa apud Ditmarum abstrusa aperuerit.

SECTIO VI.

Ne belli hujus intestini flamma serperet lati-
us, Henricus II. Cæsar eam restincturus Guncelino
æque ac Hermannus & ECCARDO fratri-
bus

bus diem dicit Mersburgi. In illa disceptatione cum causam obtinuissent fratres, Guncelino Marchioni surrogatus Hermannus per legatum Cæsaris introductus est.

§. I. Ditmarus lib. VI p. 153. *Peruenit hoc ad aures Regis, & confestim idem ad Merseburg, hac ad discutienda properavit. Sed cum ibidem prædictorum sententias Comitum animadvertisset, culpam omnem Guncelino imputat, quia se in multis prius sperneret, & in illato sibi dedecore ultorem non exspectaret. Adjecit autem, quod familias multorum, sæpe id sibi quærentium, Judæis vendidit, & nec jussu suo has reddere, nec latrocinia, multis a sua potestate nocentia, unquam curavit compescere. Insuper quæsitus est, quod majorem apud Bolizlavum fratrem gratiam hæcenus habuisset, quam ei deceret; aut sibi placere deberet. Hic etiam præsentēs erant, qui cum semet ipsis reum esse majestatis, accusare voluerunt. Inter tot lamentationes & ejusdem suorumque excusationes, Principum communiter consilium a Rege quaritur, & ab his diu hoc secrete volentibus, taliter respondetur: Scimus hunc erga vos inexcusabilem non esse, & ut vestræ pietati se, omni reluctatione remota, tradat, nobis bonum videtur. Admoneat vos misericors Dominus, ut non qualitate sui meriti, sed pro quantitate ineffabilis clementiæ vestrimet, ad exemplum omnibus ad vos conversis in eo faciatis. Horum consilio Rex adspirans, suscepit eundem, & Arnulpho Antistiti firmiter custodiendum tradidit, præsidii continuatione ab hostibus Misniam, eamque ad tempus providendum Friderico committens.*

§. II. Sic igitur non tam Misniæ Marchio factus Frideri-

dericus, Ilburgi Comes, quam provincia Marchiæ Misnenſis ad tempus eidem commiſſa fuit. Hunc Fridericum eſſe reor, quem primum Miſnæ Burggravium facit Fabricius: incertum, quo auctore.

§. III. Quid porro actum de Guncelino, non liquet. Fabricius quidem *Origin. Saxon. lib. III.* (p. 395.) ſcribit, in urbe Libuſſa, quam Rex (Henricus) inſtauraverat vitam degere juſſum: porro capta a Boemo Libuſſa & cremata, Guncelinum cum reliquis abductum, ſed mox in vinculis detentum Papebergæ, ac ſeptimo demum anno liberatum menſe Decembri nati Chriſti ſupra milleſimum octavo decimo. Sed nihil horum legas apud Ditmarum: ad quem provocat tamen Fabricius. *Guncelinum* quidem *de Wiſſo, & ejusdem infelicem cuſtodem Schich vulneratum* tradit Ditmarus lib. VI. pag. 169. longe hunc tamen alium puto a Guncelino Marchione, Eccardi noſtri patruo.

§. IV. Damnato autem captoque Guncelino ſucceſſor datus eſt Eccardi frater HERMANNVS. Sic enim laudato loco pergit Ditmarus pag. 154. *Proxima vero meſſe intervenſu Regina & inſinſtu cari Tagmonis, Hermannſi Comiſi Marchiam dedit, & conſilio & laude Principum eorundem.* — *Poſt hæc Hermannus Comes per Regalem nuncium introducitur, ac debitoribus ſuis, quicquid in eum deliquerant, dextra hoc affirmante, ab eo remittitur.*

SECTIO VII.

ECCARDVS poſtea clandestinam cum Boeſlao Polono amicitiam colit: fovet ejus ſpeculatores, & demum abſque Henrici II. Cæſaris vena

venia ad illum proficiscitur, & de Cæsare multa loquitur odiosus. Ideo ad causam dicendam evocatus, cum iudicium damnationis metu detrectaret, bonis exiit.

Ditmarus lib. VI. pag. 175. *Insuper regias pervenit ad aures, quod nepos meus Wirinharius cum EKKIHARDO, Hermannii Marchionis fratre ad Bolizlarum sine licentia pergerent, ibidemque multa gratie suimet contraria loquerentur, e jusque nuncios hic saepe in secreto haberent. Hoc omne Rex suscipiens, utrosque in suam venire praesentiam iussit. Id cum facere non auderent, comprehensis omnibus suimet bonis, ut regia potestate resisterent, diffamantur.* Fabricius origines hujus historiae altius repetit, nempe a litibus inter Episcopum Mersburgensem & Eccardum, quibus causam dederit Heico quidam Ameslebius. Sed multa in narratione Fabriciana Cl. Dn. Praefidi sunt suspecta.

SECTIO VIII.

Tandem tamen ECCARDVS Cæsari ex quorundam intercessione reconciliatur suaque recuperat.

Ditmarus d. l. *Tandem nepos meus (Wirinharius) gratiam & incolumitatem cum praedio suimet & auro comparavit. Alter vero (ECCARDVS II.) longe post cum fideli interuentu restituitur.*

SECTIO IX.

1015. Cum denuo ad bellum inter Henricum Cæsarem & Boleslaum deventum, ac cæsus in eo esset

set Gero Orientalis Marchio, ECCARDVS cum Hermannno & Gunthero fratre ejus sepulturæ in monasterio Neuburgensi ad confluentes Bodam & Salam interfuit.

Ditmarus lib. VII. pag. 195. *Imperator Geroni Archiepiscopo, & Geroni incho Marchioni, ac Burckhardo Comiti Palatino residuos committens, progreditur. — Luidolfus autem juvenis cum paucis capitur, & Gero ac Volcmarus Comites cum CC. militibus optimis occisi, spoliati sunt. — Imperator ut hoc triste nuncium audivit, ad tollenda interfectorum corpora redire voluit: sed multorum tardatus consilio, id quasi invitatus omisit, & Eidura antistitem, qui eis licentia infausti Ducis sepulturam impenderet, & Geronis corpus Marchionis imploraret, remisit. — Funus autem predicti Marchionis & socii ejus Widredi usque ad Misni fecit reduci. Hæc ibidem Hermannus Comes flebiliter suscipiens, & usque ad novam urbem (ubi Gero Colonienfis Archiepiscopus & Thiedmarus Marchio frater ejus, vitricus istius, pater autem interempti Comitæ in bonore Deigenetricis & sancti martyris ejus Cypriani regnante secundo Ottone, Abbatiam construxerunt) cum fratribus suis Gunthero ac EKKIHARDO comitatur, quæ Gero Archiepiscopus tunc terra commendans, Dominam Adelheidam ejusque filium Thiedmarum ac mærentes amicos ac milites solatur.*

SECTIO X.

ECCARDVS II. Ditmaro Episcopo Mersburgensi infestus sylvam qvandam ejus venationibus occupat, & suos ac fratris satellites in de-

B

tri-

venia ad illum proficiscitur, & de Cæsare multa loquitur odiosus. Ideo ad causam dicendam evocatus, cum iudicium damnationis metu detrectaret, bonis exiit.

Ditmarus lib. VI. pag. 175. *Insuper regis pervenit ad aures, quod nepos meus Wirinharius cum EKKIHARDO, Hermannii Marchionis fratre ad Bolizlavum sine licentia pergerent, ibidemque multa gratia suimet contraria loquerentur, e jusque nuncios hic saepe in secreto haberent. Hoc omne Rex suscipiens, utrosque in suam venire presentiam iussit. Id cum facere non auderent, comprehensis omnibus suimet bonis, ut regia potestati resisterent, diffamantur. Fabricius origines hujus historię alius repetit, nempe a litibus inter Episcopum Mersburgensem & Eccardum, quibus causam dederit Heico quidam Ameslebius. Sed multa in narratione Fabriciana Cl. Dn. Præsidi sunt suspecta.*

SECTIO VIII.

Tandem tamen ECCARDVS Cæsari ex quorundam intercessione reconciliatur suaque recuperat.

Ditmarus d. l. *Tandem nepos meus (Wirinharius) gratiam & incolumitatem cum pradio suimet & auro comparavit. Aliter vero (ECCARDVS II.) longe post cum fidei interventu restituitur.*

SECTIO IX.

1015.

Cum denuo ad bellum inter Henricum Cæsarem & Boleslaum deventum, ac cæsus in eo esset

set Gero Orientalis Marchio, ECCARDVS cum Hermanno & Gunthero fratre ejus sepulturæ in monasterio Neuburgensi ad confluentes Bodam & Salam interfuit.

Ditmarus lib. VII. pag. 195. *Imperator* Geroni Archiepiscopo, & Geroni incho Marchioni, ac Burckhardo Comiti Palatino residuos committens, progreditur. — Luidolfus autem juvenis cum paucis capitur, & Gero ac Volcmarus Comites cum CC. militibus optimis occisi, spoliati sunt. — Imperator ut hoc triste nuncium audivisset, ad tollenda interfectorum corpora redire voluit: sed multorum tardatus consilio, id quasi invitum omisit, & Eidum antistitem, qui eis licentia infausti Ducis sepulturam impenderet, & Geronis corpus Marchionis imploraret, remisit. — Funus autem predicti Marchionis & socii ejus Widredi usque ad Misni fecit reduci. Hæc ibidem Hermannus Comes flebiliter suscipiens, & usque ad novam urbem (ubi Gero Colonienfis Archiepiscopus & Thiedmarus Marchio frater ejus, vitricus istius, pater autem interempti Comitum in honore Deigenetricis & sancti martyris ejus Cypriani regnante secundo Ottone, Abbatiam construxerunt) cum fratribus suis Gunthero ac EKKIHARDO comitatur, quæ Gero Archiepiscopus tunc terra commendans, Dominam Adelheidam ejusque filium Thiedmarum ac mærentes amicos ac milites solatur.

SECTIO X.

ECCARDVS II. Ditmaro Episcopo Mersburgensi infestus sylvam quandam ejus venationibus occupat, & suos ac fratris satellites in de-

B

tri-

trimentum Ecclesiæ Mersburgensis grassari licentius permittit.

Longa est de hac contentione narratio apud ipsum Ditmarum lib. VIII. p. 245. seq. ex quo summam nostris verbis repetemus. Otto II. Imp. temporibus Gisleleri Magdeburgensis Archiepiscopi & Misnensis Marchionis Guntheri Ecclesiæ Mersburgensi donaverat sylvam inter Salam & Mildam fluvios, ac pagos Plisnensem & Seufelitzensem sitam. Regnante autem Ottone III. cum Mersburgensis Episcopatus facies admodum esset miserabilis, Eccardus I. Marchio dictam accipiens sylvam, pro eadem aliam ad Sumeringam Mersburgensibus attribuit. In eo quod detrimentum cepissent non vulgare, suæque postliminio repeterent, Henricus II. ex Principum decreto sylvam Eccardi I. filiis Hermano & Eccardo II. ademptam judiciaria lege Episcopatus Mersburgensi restituit. Fuerat jam illa in potestate Mersburgensium per annos XII. cumque Hermannus LX. mansissem a Præsule Ditmaro frustra tentasset redimere, is alia rem aggressus via, pro duobus in Rochlicensi Comitatu prædiis (sic capio verba Ditmari: *super duorum proprietatem Burgwardorum Rochlitz:*) accedente Henrici Regis mandato, sylvam recuperare laborabat, antiquiorem scilicet Mersburgensis Ecclesiæ confirmationem diu abolitam esse sperans. Sed repugnante Ditmaro, nec in eo profecit Hermannus. Cum enim præsentem Henrico Imp. Magdeburgi hac de causa ageretur, Mersburgensia privilegia, utpote antiquiora pervicerunt. Sicigitur visus est Hermannus deferere litem, & præsentem Eccardo fratre Ditmarum conceptis his verbis allocutus est: *Quicquid hactenus in his fecimus, non ob temeritatem aliquam, sed quam habuisse speravimus, justitiam feci-*

fecimus: nunc autem id omittamus. Non longe post Eccardus. II. instinctu cujusdam militis Boleslai in Comitatu (*Burgwardo*) suo Rochlicensi ad capiendas feras munimenta quædam excitat. Quod cum deferretur ad Ditmarum, ut a coëptis desisteret, Eccardum per internuncium monens, ac Hermanno quoque de injuria Ecclesiæ illata qvestus, in casum laboravit. A festo autem Paschatos, cum serena esset aeris tempestas ac itineri commoda, & nondum hætenus in illas Episcopatus partes venisset Ditmarus, VI. Non. Maji ad inspicienda Eccardi molimina profectus, quando ejus opus laqueis & retibus firmatum deprehenderet, partem protinus jussit incidi, rectoque itinere Rochliciam tendens, turbatas res in ordinem redigendo, ut decimæ injuste hætenus inhibita statò tempore solverentur, a sylva vero violentas abstinere manus sub interminatione anathematis edixit. Exin ad prædium Chorum (*Ditmarus habet Thorun*) reversus, cum per septiduum ibidem sustitisset, quod Eccardi ministri comitibus ipsius minarentur, audivit. Forte tunc Cancellarius (nescio an Eccardi, an alius Principis) apud Ditmarum pernoctans, quæ hac in re gererentur, ex ipso Ditmaro intelligens placide respondit. Interim frequenter coierunt milites Eccardi, ac forte infortunium creassent Ditmaro, nisi ministrorum obstitisset vigilantia. At Ditmarus rem desert ad Imperatorem Moguntiam, ejusque præsidium implorat. Eccardus igitur Imp. iram veritus, ad pacem inclinatus, quam Hermannus item commodum ex Polonia adventans porrecta dextra spondet. Neque tamen steterunt promissis, sed sex viri Mersburgensi Ecclesiæ addicti flagellati, & fortunis ac ædificiis fuerunt exuti: imò in ipsum Ditmarum exarsere gravius, & nunc ipsum nunc alios amico-

rum ejus duriter tractaverunt. Quis tandem hujus contentionis fuerit exitus, me latet: nec ex Ditmaro plura habeo exsculpere, qui hic fere suam finit historiam. In vita quoque Ditmari ex MS. quodam Chronico Antistitum Mersburgensium desumpta, cujus copiam Reinero Reineccio fecit Christianus Distelmeicus, quamque ex Reinecciana in suam transtulit editionem Cl. Joachimus Johannes Maderus, nonnulla eo spectantia habentur, quæ huc transcribere nihil attinet. Fabricius hanc historiam miris confundit modis. Nam primo pro Ditmaro Brunonem Præsulem substituit: violentas deinde inter Episcopum & Eccardum actiones Magdeburgi per Imperatorium edictum compositas tradit. Quæ porro habet de Eccardo adire Imperatorem recusante, sed per fratrem Hermannum ad id compulsio, vel ingenio Fabricii, vel auctore non satis nituntur idoneo.

SECTIO XI.

1029.

ECCARDVS II. una cum fratre suo Hermannno promovit translationem Episcopalis sedis Ciza Numburgum anno cło XXIX.

§. I. Cognitione utique accuratiori dignissima est de translatione Episcopatus Cizensis historia, quæ hætenus tamén adeo latuit in obscuro, ut nec diligentissimo scriptori Paulo Langio, ut ut Cizo-Numburgensem historiam dedita tractanti opera, de eo certi quicquam constiterit. Arguunt hoc sequentia ejus in *Chronico Citzensi* verba: *Hilwardus Episcopus ordinavit & consecravit Ecclesie Magdeburgensi Hunifridum Archiepiscopum. Quo etiam tempore sedes Ecclesie Citzensis cum titulo translata in Numburg: cujus causam ignorans admiror. Cum enim a digniore consuevit fieri denominatio,*

natio, antiquitas autem dignior sit quam novitas, juxta illud juridicum, Qui prior est tempore, potior est jure; Ecclesia autem Citzensis multo prior cum sit foundationis tempore; merito prioritate & sua antiquitate tituli dignitati perpetim venerari debuisset. Miror ergo, cur ei hæc dignitas per tituli sit ablata translationem, & Nuenburgensi attributus, ut nunc passim communiterque Nuenburgensis, raro vero, aut nunquam Citzensis appelletur Episcopus: licet ipsa curia episcopalis hætenus apud matrem Citzensem duravit etiam cum residentia, & quorum ipsa viventium fruatur cobitatione, illa mortuorum sepulchra gaudet. Quæmadmodum enim titulus, ita & sepultura illuc est translata: tamen si non adeo usque. Quia cum sit libera, plerique maluerunt præsulum in matrica Citzensi, quam filiali Nuenburgensi quiescere Ecclesia. Hujus itaque mutationis causam eatenus aliam invenire non potui, quam (ut recte esse factum) quod Ecclesia Nuenburgensis sit æmior, divitiis crassior, cantu clamorior, potu delicatior, & emporio sive annuis famigeratior celebriorque sit nundinis; & eas ob res matri filia, junior seniori prælata, illa dignitate adornata fuerit.

§. II. Ceterum bene est, quod adhuc in tabulariis Episcopatus Numburgensis supersint vetusta. bonæ notæ diplomata, ex quibus certa habeamus exculpere. Et primo quidem si non unica, præcipua tamen hujus translationis fuit causa, quod Numburgum locus esset pro genio seculi sic munitus satis, adeoque insulibus hostium non æque ac Ciza obnoxius. Quandoquidem enim Citzensis Episcopatus a prima statim fundatione Bojemorum & Wendorum populationibus esset obnoxius, ac in primis Ciza metropolis anno 1000. diriperetur, de loco tutiori dispexerunt, quorum exigebat officium Ecclesiæ non minus quam Reip. saluti prospicere.

B 3

§. III.

§. III. Primaria autem in promovenda translatione fuit opera CONRADI II. Imp. siquidem id *ferventis desiderio per literas ac nuncios* apud Johannem XX. Pontificem Romanum egisse dicitur. Qua de re aliquid inaudivisse videtur Langius: qui in laud. Chronico sic scribit: *Inter alia opera pietatis Ecclesiam Nuenburgensem a quibusdam traditur fundasse in signem & opimatissimam.* Deinde cum Numburgum in ditione esset hæredum Eccardi I. iidem auctoritate Imperatoris moti hunc in finem Ecclesiæ Citizenfi Numburgense oppidum dedicarunt. Quamvis enim unicum tantum WICHARDI Ducis (is procul dubio ipse est ECCARDVS I.) hæredem nominet Johannes Papa, ex alio tamen Cadaloi Numburgensis Episcopi privilegio discimus, utrumque frattum Hermannum & Eccardum *eundem locum hereditate paterna acceptum Episcopali dignitate sublimasse.* Neque multum refragabor tamen, si quis soli Hermannom tum Numburgum fuisse adscriptum dixerit: quandoquidem Eccardus in divisione hereditatis paternæ terras ad orientem vergentes, in quibus & Rochlicio proxima sectione memorato locus, Hermannus ad occasum spectantes, & in his Numburgum accipere, rem tantam tamen communi consensu & suffragio potuerint tractare.

§. IV. De anno translationis si quæras, licet in diplomate Pontificio diferte non exprimatur, ex indictione tamen XII. quam subscriptio Pontificia affert, haut difficulter est colligere, fuisse annum seculi undecimi nonum & vigesimum: nec mihi fit verisimile rem tantis expetitam desideriis longiori mora esse extractam. Enimvero quamvis non negaverim, quod Dresserus *de Urbibus* affirmat, mature de translatione susceptam esse deliberationem; eandem tamen

men jam tum regnante Henrico II. anno CIO CIV. perfectam quæ iidem Dresseri est opinio, longius abludit a vero.

§. V. Quo ipso simul concedit eorum sententia, quæ Eccardum I. Misniæ Marchionem Thuringorumque Ducem Episcopatum Numburgensem condidisse affirmant: quo in recentioribus præluxisse videtur Auctor Chronici Montis--Sereni ad annum CIOCLXXI. scribens: *Mortuo Disbmaro, Svanebildis ejus relicta nupsit Ekkebarde Marchioni, filio Guntharii Marchionis de Thuringia, qui Nuenburgensem fundavit Episcopatum.* Certe eum secutus est Petrus Albinus in *Historia Misnica Tit. X.* (p. 115. 116.) qui idem repetit in calce libri. (p. 438.) ut taceam Eliam Reusnerum in *Stemmate Wittebindæ*, pro Eccardo I. quamvis Ecbertum I. (qui fere communis juniorum error est,) laudante.

§. VI. Ut omnia pateant clarius, ipsam bullam Papalem afferemus.

IOHANNES Episcopus Servus servorum Dei
 Illudvardo Episcopo Ziticens. Ecclesia perpetuam in Domino salutem. Si extraneis privatisque personis Apostolica suffragia quanto elegantius agitur, si sancta Ecclesia eis egenti impertiri prompto animo studeamus, lucri potissimum præmium apud conditorem omnium Deum in æthereis arcibus promereri credimus, quando loca ad meliorem procul dubio per nos fuerint statum producta. Igitur quia filius noster Christianissimus Imperator CVNRADVS servens hoc desiderio petiit suis litteris acnuntiis rogans licentia, quæ inconsulta aggredi tantum opus nolebat, liceret vobis & sibi, cujus
 in-

intuitu, providentia ac moderatione erat inventum, Episcopatum Siticensem ad honorem Sanctorum Apostolorum Petri & Pauli consecratum in Nuenburgum, locum munitum & ab hoste solito depraedari eum, remotum, transmutare, quem locum heres cujusdam VVichardi Ducis, cotidianam desolationem illius & deprecationem dicti Imperatoris non ferens, sanctæ Ecclesiæ Siticensi perpetuo jure contulit, inclinatis precibus confratris nostri H. Magdeburgensis Archiepiscopi & heredum dicti VVichardi, videlicet Hermannii Marchionis & germani sui ECCARDI consilio omnium Episcoporum & Clericorum nostrorum licentiam damus, ac inde transmutari, & in Numburgo extrui & in perpetuo manere Apostolica auctoritate vindicamus, & eundem locum cum omnibus pertinentiis sanctæ Siticensis Ecclesiæ ad honorem Sanctorum Apostolorum Petri & Pauli consecratum omnibus rebus & possessionibus, quas modo habere videtur, & quæ in antea acquisierit, vobis vestrisque successoribus in perpetuum confirmamus. Quod enim sancti canones cogente necessitate non contradicunt, & quod sæpe factum fuisse legimus, nostris temporibus fieri non prohibemus. Si quis autem, quod non credimus, temerario ausu contra hoc nostrum Apostolicum privilegium venire, aut in quoquam infringere presumpserit, seu violator exstiterit, sciat, se auctoritate Dei omnipotent-

centis & beati Petri Apostolorum principis, ac nostra, anathematis vinculo esse innodatum, & a regno Dei alienatum, atque cum Juda traditore Domini nostri Jesu Christi socius sit in inferno excommunicationique subiaceat, donec resipiscens ad satisfactionem & congruam commendationem redeat: qui vero pio intuitu curator & observator hujus nostri Apostolici privilegii extiterit, benedictionis gratiam vitamque eternam & atheri regni gaudia a Domino percipere mereatur in secula seculorum, Amen.

Scriptum per manus Georgii Notarii regionarii atque scriniarii Sanctæ Apostolicæ sedis in mense Dec. 10. Indictione XII.

Valete in Christo.

§. VII. Hæc ipsa Johannis XX. bulla quod in papyro scripta per temporum injuriam aliquid contraxisset vitii, per Gregorium IX. Papam eandem renovari curarunt Engelhardus Episcopus & Capitulum Numburgense anno MDCCCXXXVIII. Hæc nova bulla sequentibus verbis concepta est.

GREGORIUS Episcopus, servus servorum Dei venerabili fratri Episcopo & dilectis filiis Capitulo de Nuemburch, salutem & Apostolicam benedictionem. Destinati ad nos ex parte vestra dilecti filii L. Præpositus & A. Canonicus Ecclesiæ vestræ exhibitum nobis bonæ memoriæ Johannis P. P. Prædecessoris nostri privilegium

gium in papyro conscriptum cum ex quadam parte foret præ nimia vetustate consumtum, & alterius formæ ipsius littera, quam moderna, petierunt suppliciter innovari. Nos autem eodem privilegio diligenter inspecto, ne jus Ecclesiæ vestrae deperire valeret, illud de verbo ad verbum, quatenus colligi potuit, duximus presentibus adnotandum, tribuendo ei auctoritatem, quam Originale noscitur habuisse, ac supplendo in dictionibus quibusdam syllabas quasdam & litteras, quæ conveniebant eisdem & fuisse præsumebantur in illis, maxime cum bonæ memoriæ Innocentii PP. secundî, prædecessoris nostri privilegium nobis offensum fidem fecerit ad supplementum hujusmodi in quibusdam dictionibus faciendum, propter quod causa discretionis syllabas ipsas & litteras mandavimus in hac pagina tonsis litteris exarari.

Sequitur bulla Johannis Papæ, cui subjiciuntur sequentia.

Nulli ergo omnino hominum liceat hanc paginam nostræ annotationis & concessionis infringere, vel ei ausu temerario contravenire: Si quis autem hoc attentare præsumserit, indignationem omnipotentis Dei & beatorum Petri & Pauli Apostolorum ejus se noverit incursurum.

Datum Perusii VI. Id. Novembr. Pontificat. nostri anno secundo.

§. VIII. Facta igitur sedis translatione Johannes XX. Pon-

Pontifex eandem confirmavit Indictione XV. quæ incidit in annum cło XXXII. Quia bulla confirmationis denuo mentionem facit Eccardi nostri, ac alia porro habet scitu non indigna, integram affere non pigrabimur.

✠. JOHANNES Episcopus, Servus servorum Dei.
Dilecto in Christo filio Hildewardo sanctæ Nuenburgensis Ecclesiæ Episcopo, & omnibus successoribus tuis perpetuam in Domino salutem. Convenit Apostolico moderamini pia religione pollentibus benevola comparatione succurrere, ac poscentium animis alacri devotione imperitare assensum. Ex hoc enim lucri potissimum præmium a conditore omnium Deo procul dubio promeremur, si venerabilia loca oportune ordinata, ad meliorem per vos fuerint statum perducta. Sicut ergo karissime fili tibi absenti, rogatu filii nostri christianissimi Imperatoris Kunradi & confratris nostri Hunfredi Magdaburgensis Archiepiscopi, nec non illorum qui hereditatem suam Ecclesiæ contulerunt, videlicet Hermannii Marchionis, & germani sui EKKIHARDI, & maxime pro magna utilitate & securitate Ecclesiæ tuæ, consilio Episcoporum & Clericorum nostrorum, sedem Episcopalem de Ziza in Nuenburg transferre concessimus: ita nunc quoque tibi presenti cum clero tuo & dignioribus de populo & nunciis prædicti Imperatoris & Archiepiscopi, consilio eorundem Archiepiscoporum & clericorum nostrorum factum probamus, & tam tibi, quam omnibus successoribus tuis per-

petua stabilitate confirmamus. Quod enim secundum canones pro necessitate saepe factum fuisse legimus, nostris quoque temporibus fieri non prohibemus. Quoniam igitur canonice & communi assensu omnium, ad quos attinebat sedis tua translatio, facta est, absque omni contradictione universi successores tui a Nuenburgensi clero & populo eligantur, atque ad eundem titulum regulariter consecrentur, & Magdeburgensibus Archiepiscopis, quorum diocesim translatio non excedit, utpote Metropolitanis suis, omni pietatis devotione sint subiecti. Hoc quoque communicato consilio placet addere, quod Ecclesia Citicensis in honorem beatorum Apostolorum Petri & Pauli consecrata, non omnimodis negligatur, sed in loco Clericorum in Nuenburg transeuntium monachi vel canonici substituantur, qui integris stipendiis ejusdem Ecclesia inibi Deo servant, & sicut pacis filii matri suae Nuenburgensi Ecclesia in Domino semper devote obediant. Si quis autem, quod minime credimus, temeraria presumptione contra hoc nostrum Apostolicum privilegium venire, aut in aliquo contraire presumpserit, seu violator exstiterit, sciat se auctoritate Dei omnipotentis & beati Apostolorum principis Petri ac nostra anathematibus vinculo esse innodatum, & a regno Dei alienum, atque cum Iuda traditore Domini nostri Jesu Christi socium futurum in inferno, ex communicatione subiacet,

ceat, donec respiscens ad satisfactionem & congruam emendationem revertatur. Qui vero pio intuitu curator & observator hujus nostri Apostolici privilegii existierit, benedictionis gratiam vitamque aeternam, & ætherei regni gaudia a Domino percipere mereatur in secula seculorum, Amen.

✠ BENE VALETE.

Scriptum per manum Georgii Notarii regionarii atque Scriniarii Sanctæ Apostolicæ sedis in mense Martio Indiæ. XV.

§. IX. Eodem porro anno cixxxxii. Conradus II. Imp. translationem Episcopatus auctoritate sua confirmavit, & porro Numburgensi Ecclesiæ villam regalem Balchsted donavit. Ipsum diploma, quod denuo Eccardi nostri refriecat memoriam, tanquam non vulgare specimen antiquitatis Germanicæ huic commentatiunculæ inferemus.

In nomine sanctæ & individue Trinitatis. **CONRADVS** divina favente clementia Romanorum Imperator Augustus. Cum credamus & certe sciamus, nos omnibus Ecclesiis ex indita nobis Dei misericordia debitores, iis maxime succurrendum esse non dubitamus, quæ a nostris antecessoribus inchoata, nutantes & pauperissime vix ad tempora nostra duraverunt. Quarum nimirum necessitati condolentes, & Dei nutu consulere cupientes, Episcopatum in Citizenensi loco a venerabili progenitore nostro Ottone constructum ad Nurnvenburg propter pacis firmitatem & religionis augmentum transulimus, & im-

mutavimus: in memoriam scilicet Ottonis, qvin & Domini nostri Henrici Imperatoris hoc facientes & spem requietionis eorum in hac re procul dubio considerantes. Prinde omnibus Christi nostrisq; fidelibus notum esse volumus, qvaliter nos ob minime denegandum interventum dilectissime conjugis nostre Gisla Imperatricis Auguste, amantissimaeq; proli nostre, Henrici Regis, nec non ob piam petitionem Hunfridi Magdeburgensis Archiepiscopi, fidelisq; nostri EKKARDI Marchionis, & ob frequens servitium chari nostri Kalonis Episcopi Ecclesie Sancti Petri in Nuvvenburg, cui ipse praesidet, Balchsted nostram regulam cortem in pago Thuringia in Comitatu Madelgohonis sitam, cum omnibus attinentiis sylvis, cultis & incultis, agris, pascuis, campis, aquis aquarumve decursionibus, piscationibus, molis, molendinis, areis, edificiis, mancipus, exitibus & redditibus, venationibus, qvae sitis & inquirendis, seu cum omni utilitate, qvae nominari vel scribi potest, in proprium tradidimus, ea videlicet ratione, ut ipse suisq; successores de eadem corte in his omnibus, qvae ad ejusdem Ecclesie pertineant utilitatem, liberam potestatem habeant faciendi. Et ut hac nostre traditionis auctoritas stabilis & inconversa omni permaneat aeo, hanc paginam inde conscriptam manu propria corroborantes, sigilli impressione jussimus insigniri.

Signum Domini
Conradi

Romanorum Imperatoris
inviatissimi.

Bur.

Burchardus Cancellarius vice Burchardi Archicancellarii recognovit.

Data XVI. Kl. Januarii Indictione XV. Anno Dominicæ incarnationis millesimo XXX. secundo. Anno autem Domini Conradi II. regnantis IX. imperantis vero VI. Actum Qvitilineburg feliciter, Amen.

SECTIO XII.

Paulo post factam Episcopatus translationem Hermannum Misniæ Marchionem vita excessisse reor, cui successit frater ECCARDVS. II.

§. I. Hermannum adhuc vixisse anno clō XXIX. ex Johannis XX. bulla priori patet, quippe quæ precum hujus Marchionis ob translationem factarum meminerit. Quod Marchionis elogium quia Eccardo non tribuitur, hunc ipsum Comitibus dignitatem tum non egressum autumo. At quia Conradus Imp. an. clō XXXII. Hermannō omisso Marchionis titulum Eccardo tribuit, fratrum alterum jam tum vita defunctum credimus. Nec est quod nobis quis objiciat, ex altera Johannis Papæ bulla eodem anno Numburgensi Episcopo reddita, Hermannī Marchionis, & Eccardi fratris sincillo titulo memoriam. Quandoquidem enim ista bulla respicit primas Conradi Imp. ac ceterorum translationem desiderantium preces, non tam ad id temporis, quo posteriore bullam scribebat Johannes Pontifex, quam ad hoc, quo Hermannus translationem expetebat, ejus tanquam adhuc viventis referenda est mentio. Neque tamen valde repugnauerim, si quis Hermannum ipso anno clō XXXII. inter mensem Martium, quo Papale scriptum diploma, & Decembrem, quo Imperatorium fuit consignatum, vita functum asseruerit.

rit. Intra cuius temporis decursum Hildevvardus etiam Numburgensis Episcopus obiit: siquidem cum Johannes tertio mense eidem suam inscriberet bullam, mense ultimo a Conrado Imp. non ad hunc, sed ad Cadaloum successorem privilegium perscriptum est. Quod si perspectum Paulo Langio, non utique in Citizenli Chronico scripsisset: *Episcopus iste Casso* (is est Cadalous, sive Cadalus) *quando cæperis, invenire non potui.*

§. II. Sicuti autem satis certo non liquet, quando vivere desierit Hermannus, ita de ipsius mortis genere nihil itidem habemus certi. Fabricius quidem *lib. III. Origin. Sax. (p. 402.) monuit, a Vandalis occisum tradi.* Sed forte hæc traditio æque vacillat, ac ibidem altera illa, *quod sine conjuge vixerit.* Neque tamen quæ ipsius Fabricii est sententia, Hermannæ uxor fuit *Hemmilais*, Ducis Boemiæ Boleslai filia: siquidem ex Theodorici Numburgensis Episcopi literis, quas integras postea afferemus, patet, uxorem habuisse, cui nomen REGELYNDIS, sive, ut in Numburgensis Moruologii (ceu vocatur) fragmento scribitur, RELIGYNDIS. Nescio igitur unde hauserit Elias Reusnerus, Hermannum ex duabus uxoribus, *Godila* Lotharii Wolmerstadiensis Comitæ & altera Boleslai Poloniæ Ducis viduis nullam sobolem sustulisse.

§. III. Si sustulit prolem Hermannus, masculam nullam reliquisse, ac ob id ECCARDVM fratrem in Misniæ Marchionatu ei successisse autumo. Quamvis enim id diserte non tradant, qui superant ex hoc ævo scriptores: quia tamen toties Eccardum cum titulo Marchionis nec alium, interea Marchionem reperimus, quidni Eccardum Hermannæ fratri successisse putemus?

SECTIO

SECTIO XIII.

Prima ergo ædiscathedralis Numburgensis fundamenta deberi videntur Hermannō & ECCARDO fratribus: quibus propterea in perennem tanti beneficii memoriam insignes statuae in illa æde dedicatae sunt.

De ECCARDI statua id clarum; & mox de ea pluribus agemus. Sed ad Hermannum quoque singularem pertinere statuam, cui nulla addita est inscriptio, gravibus conjecturis inducti censent Viri harum rerum intelligentes, & in his Vir Reverendus & Cl. M. Johannes Zaderus, Cathedralis Ecclesiae Numburgensis Pastor, itemque Vir Nobilissimus & Consultissimus Caspar Matthæus Eylenberg, Præsulatus Numburgensis Syndicus optime meritis: nec est cur id in dubium vocaverim.

SECTIO XIV.

De ECCARDI statua certa sunt omnia: quippe quæ brevem quidem, sed nobilem habeat inscriptionem *ECHARTVS MARCHIO*.

Nimirum in sacrario ædis cathedralis occidentali locum habent plures statuae, quarum præcipua, cujus delineationem in frontispicio hujus dissertationis conspiciamus, ECCARDVS MARCHIO inscripta est. Albinus quidem in *Historia Misnica* (pag. 438.) eandem statuam, non tamen accurate satis, exhibet. Nec cum ornamenta velorum, multo minus insignia dextro lateri addita in Numburgensi templo habent locum. Perperam deinde hæc statua ab Albino tribuitur Eccardo I. tanquam Episcopalis sedis ab Elystro

stro ad Salam translationis auctori : quod quam abhorreata vero, iamtum sect. XI. §. V. ostendimus. Rectius sane Fabricius tum in *Annalibus Misnensibus lib. I.* ad ann. c1o XIII. tum *lib. III. Origin. Saxon.* (p. 405.) in hac statua Eccardum, II. agnoscit. Ipsam descriptionem ex eodem afferro : *Eccardum cum matre Svanbilde auctorem fuisse* (collegii & templi Numburgani) *conveniens maxime temporibus est ; & ejus ibidem statua palliata inaicat, in qua gladius & scutum sinistra ipsius continentur ; manus dextra pallium obvolutum habet supra manum sinistram : alioquin libera & implicita : tunica longitudine pallium aequat. Facies imberbis & lata, capilli crispantes cum pileolo rotundo & plicato diversorum colorum.* Pro facie imberbi Gregorius Groitzschius in libello de *Sala fluvio* superioris seculi anno LXXXIV. edito, *rasam barbam canescentem* substituit : nec aliter res videtur se habere. Quia hujus ac reliquarum statuarum colores nondum sunt detriti, proximo seculo renovatas credidit Cl. Dn. Præses, quod tamen negat laudatus Dn. Zaderus in literis ante quadriennium ad Dn. Præsidem perscriptis.

SECTIO XV.

Et si autem hi fratres pro præcipuis habendi cathedralis ædis auctoribus, nihil tamen prohibet, quo minus plures eo suam symbolam contulisse credamus.

§. I. Enimvero quia plures in laudato Numburgensi sacrario habentur statuae, ac in his etiam SIZZONIS COMITIS, DITMARI COMITIS OCCISI, TIMONIS DE KYSTERIZ & matronarum aliquot ; hi omnes ac singuli forte sive ad fundandam, sive ad ornandam augendamque hanc ædem non parum contulere..

§. II.

§. II. Huc accedit, quod Theodoricus Episcopus Nuenburgensis in literis anno CIÖCCXLIX. scriptis supra HERMANNVM & ECCARDVM eorundemque conjuges REGELYNDAM & VTAM inter fundatores numeret SYZZONEM Comitem, WILHELMVM Comitem, GEPAM COMITISSAM, BERCHTAM Comitissam, THEODORICVM Comitem, GERBVCH Comitissam.

§. III. Ipsæ literæ omnino sunt dignæ, quæ in patriæ antiquitatis amantium cognitionem veniant.

THEODORICVS De i gratia, voluntate divina Nuenburgensis Episcopus, M. (Meinherus) Præpositus, H. (Henricus) Decanus totumque ejusdem Ecclesiæ Capitulum cunctis utriusque sexus tum Prælati tum plebanis, tum Vicariis, tum omnis conditionis fidelibus salutem & dilectionem in eo, qui est vera salus omnium. Quia bona bonorum initia meliore semper sunt sine considerata, propter hoc universalitati fidelium mandamus, quod nos communicato & communi fratrum nostrorum, videlicet Nuenburgensis Ecclesiæ consilio, in salutem omnium vestrum tam mortuorum quam vivorum ad hoc decretum concordamus, ut, quemadmodum primi Ecclesiæ nostræ fundatores, quorum nomina sunt hæc, Hermannus Marchio, Regelyndis Marchionissa; Eccebardus Marchio, Vta Marchionissa: Syzzo Comes: Wilhelmus Comes, Gepa Comitissa: Berchta Comitissa, Theodoricus Comes; Gerburch Comitissa: qui pro primæ fundatione maximum apud Deum meritum & indulgentiam peccatorum suorum præmeruerunt; sic certum est posteros per largitionem Eleemosynarum suarum in edificatione monasterii præmeruisse semper & præmereri. Nos ergo consummationem totius operis imponere cupientes, tam mortuos, quam vivos, qui nobis suas largiti sunt eleemosynas, & largiuntur in generalem fraternitatis societatem & orationum participationem ab hoc

*die & deinceps fideliter suscipimus commendatos. Datum
Nuenburc Anno gratia Domini M. CC. quadragesimo IX. Pen-
sificatus nostri anno V.*

SECTIO XVI.

Præterea Hermannus & ECCARDVS fratres Numburgum foro regali aliisque Ecclesiis & monasteriis ornarunt.

§. I. Patet hoc ex diplomate Henrici III. Imp. an. CCLII. dato, in quo memorat, quod duo Principes, videlicet Hermannus Marchio & frater ejus ECKEHARDVS hereditatem suam Deo & beatis Apostolis Petro & Paulo per manum ipsius Imperatoris (Conradi) contulerunt, & in ipsa forum regale, Ecclesias, congregationes Clericorum, monachorum, monialium construxerunt, ea tamen conditione, quod sedes Episcopalis cum universis ad ipsam pertinentibus de Ciza in Nuenburg predicto modo constructum referretur.

§. II. Ab hoc regali foro ipsa forsitan Numburgensium nundinarum repetenda sunt origines. Et quia Ecclesia cathedralis in honorem Petri & Pauli consecrata, & hæ nundinae ad festum Petri & Pauli diem fuerunt constitutæ.

§. III. Quod ad Ecclesias Numburgenses ab Hermanno & Eccardo conditas attinet, in iis forte locum habuit templum S. Georgii: ceu jam tum a Cl. Dn. Præside in *Historia Eccardi I. Sect. XVII. §. V.* Monitum. Huc quoque inclinat Fabricius Orig. Sax. l. III. scribens: *Hunc (Eccardum II.) in summa omnium Annalium incertitudine & varietate, tempus Numburgani, & (ut alii volunt) adis etiam Georgiana statuo auctorem.*

SECTIO XVII.

ECCARDVS II. jam Misniæ Marchio Henrico
III.

III. Imperatori fuit in deliciis, sic quidem ut eundem aliquando FIDELISSIMI FIDELIS elogio mactet.

§. I. Quantopere ab Henrico III. æstimatus fuerit Eccardus noster, varia testantur diplomata, quorum aliqua adhuc in Archivo cathedrali Numburgensi superant. Ex his nonnulla ad propositum nostrum facientia afferemus. HEINRICVS Rex --- ob interventum nobis dilecti Marchionis EKKEHARDI, quandam villam Kizerin nominatam, in Comitatu predicti Marchionis EKKEHARDI in pago Weitaositam --- tradidimus. Anno cloXXXIX. HEINRICVS --- Rex -- ob interventum ac petitionem Kadelhoi nobis dilecti Prasulis, nec non EGGEHARDI Marchionis, Nuenburgensi Ecclesia, cui idem Kadelbous prasidet, quandam villam, Kuffenti nominatam, quæ fuit beneficium predicti EGGEHARDI Marchionis, in pago, qui vocatur Zurba, in Comitatu dicti Marchionis sita --- tradidimus. --- Anno cloXL.

1039.

1040.

§. II. Sed rarum plane, ac prorsus singulare est elogium, quod idem Henricus III. Eccardo nostro in diplomate anno cloXLI. dato tribuit. Verba ipsa sic habent: HEINRICVS --- Rex --- ob minime denegandam voluntatem FIDELISSIMI FIDELIS nostri EKKARDI Marchionis --- decem regales mansos --- in Burcardo Trebeni, in pago Zcudici, in villa Tutchin, in Comitatu predicti Marchionis EKKIHARDI sitos. --- in proprium dedimus.

SECTIO XVIII.

Forte igitur ab hujus ECCARDI Marchionis in Henricum Cæsarem fide natum est proverbium Germanicum, quo vir spectatæ fidei, der gerreue Cæsart appellatur.

D 3

§. I.

§. I. Jam pridem invaluit adagium de *fidei Eccardo*. Sed quia hactenus vera ejus (ut opinor) latuit origo, quidni detecto hoc diplomate ad Eccardum nostrum retulerimus? Martinus quidem Zellerus centur. II. Epist. XCVI. monet, nonnullos id derivare ab Hegecaro quodam Bojorum Rege, qui tempore belli Trojani vixerit, quemque finxerint veteres præ foribus inferni sedentem, ac ingressuros fidei instruentem monitis: unde *Troicus Heccardus*, ac porro corrupte der treue Eckart/ dictus: id quod postea in proverbium abierit. Sed bene est, quod addat: *Hæc fabulis annumeranda.*

§. II. Paulo aliter Wolfgangus Heiderus de hac Salana optime quondam meritis Professor Vol. II. Orat. XXVIII. In nostra *Thuringia*, inquit, *quæ ut Italia mari, ita sylvis supra ambitur & infra, sæpe numero quidem, sed maxime tamen circa Natalitias Christi serias & Bachanaliorum furias, non ruri tantum, quod plerumque fieri solet, sed in ipsis quoque vicis & oppidis colluvies quadam spectrorum, lemurum, lartarum & Empusarum, in quibus & viventium & mortuorum hant raro sunt imagines, ingenti numero, qui interdum equitum turmas & peditum manipulos sua æquant multitudinem, transire solent & transcurrere: neque fides hæc, quod jam quoque dixi, vana, sed certa, & omnis extra dubitationis aleam posita.* Has itaque Diabolorum copias senecio quidam canitie spectabilis, quem fidum Eckbardum nominant, seu uti nostrates vocant, den getreuen Eckart delibrato cum bacillo præit, & accurrentem, ut nostra fers curiositas, popellum hortatur, ut de via cedant, & domum se referant, ne sua temeritate sibi aliquid mali non necessari accersant. At si maxime concesseris, cum hoc spectrorum grege non aliter esse comparatum, ac recensuit Heiderus, manet tamen scrupulus, qui senecioni illi adhæsit Eccardi fidi nomen.

§. III. Ceterum quæ de hoc proverbio jam ante annos aliquot celeberrimus vir, ac immortale decus Lipsiensis Academicæ Jacobus Thomasius ad Cl. Præsidem perscripsit, cum utriusque pace hic repetam. Illud notum, Eccarto Marchioni cognomen *Fidelis* adhasse non minus, quam Eccarto Brisacensi illi, qui postea proverbio de *Fidei Eccarto* occasionem dedit: quamquam sunt, qui originem adagii ad ipsum Misnersem nostrum referant: nec desit, qui Eccartonem Rep-

covium, Saxonici Juris scriptorem. Proverbium ipsum cum hystoria vel fabulis huc pertinentibus, altera de Tanbusero, altera de spectro Mansfeldensi Joannes dabit Agricola: de Tanbusero etiam nonnihil Goldastus ad Paraneticos veteres.

SECTIO XIX.

ECCARDVM II. Torniamiento Hallensi ab Henrico III. celebrato interfuisse volunt anno cło XLII.

Georgii Ruxneri de ludis Germanorum equestribus Torniamenti (Thurnier) nomine famosis habemus librum lingua vernacula scriptum, in quo septimus locus est Torniamiento Hallis Saxonici ab Henrico III. celebrato. Hic quoque comparuisse scribitur ECCARDVS Marchio Misniæ & Comes in Australi Thuringia. Sit fides penes auctorem, cui alioquin in his antiquioribus parum debetur fidei. Id quod CL. Dn. Præfidis RVXNERVS EXENTERATVS brevis forte demonstrabit. Certe nec in ipso Eccardo sibi constat scriptor proletarius, quem paulo post *Eprechtium* vocat. Præterea in sequenti Torneamento anno cło LXXX. Augustæ Vindelicorum habito iterum laudatur Eccardus Marchio Misniæ: quo tamen ævo nemo ejus nominis Misnensi Marchiæ præfuit. Et per absurdum foret hæc ad nostrum Eccardum referre.

1042.

SECTIO XX.

ECCARDVS II. anno cło XLVI. subitanea morte extinctus, & Numburgi sepultus est.

Sic enim Hermannus. Contractus in Chronico ad laud. annum: *Egghardus Marchio ditissimus subito moriens pradiorum suorum heredem reliquit Regem.* Et Lambertus Schasznaburgensis: *Egghardus Marchio subitanea morte prafocatus interiit.* Fabricius quidem & nonnulli alij obitum ejus referunt in annum cło LXVIII. Sed omnino clarum est, hos Eccartum cum Saxonie Marchione, Ecberto I. confundere, cujus obitus in annum laudatum a Lamberto refertur. Nec mirum hic hallucinari Fabricium, quem Eccardorum & Ecbertorum historia invicem commixta toties in transversum egit. In fragmento Mortuologii Ecclesiæ Numburgensis, quod est penes M. Joh. Zaderum, inter alia hæc habentur:

1046.

He-

Heccardus Marchio ob. d. Timothei 9. Cal. Februar. sepultus in monasterio: quæ procul dubio de Eccardo nostro capienda. An autem monasterii vocabulum designet ædem cathedralem, (prout non raro in vetustis appellatur literis) an ipsum huic junctum monasterium, certo affirmare non fustineo.

SECTIO XXI.

ECCARDVS II. ex uxore Vta, nullos reliquit liberos.

§. VTAM Eccardo uxorem fuisse, ex Theodorici Numburgensis Episcopi diplomate Sæc. XV. §. III. allato patet: quippe in quo ECCEHARDO *Marchioni*, VTA *Marchionissa* jungitur. Recentiores igitur, qui teste Fabricio, *Spanbildim* vocant, matrem Eccardi, cum uxore videntur confundere. Dum autem Fabricius Eccardo nostro conjugem assignat Ottonis Ducis Sveinfurti viduam, denuo Eccardorum Ecbertorumque historiam non distingvit. Ecbertus enim I. Lamberto ad an. c10LXVIII. teste, laudatam viduam cui nomen *Adela*, in matrimonio habuit, ex qua genitus Ecbertus II. Marchio. Hæc a morte Ecberti, tertio marito nupsit Dedoni Saxonie Marchioni, *mulier*, ut Lambertus ait, *omni marchione animosior atque implacitor.*

§. II. Nullos Eccardum reliquisse liberos, haut obscure ex eo est colligere quod ut Hermannus Contraſtus ait, *prædiorum suorum heredem reliquerit Regem.* Fabricius tamen ei filium tribuit OTTONEM. Sed addit statim: *fortasse senex ætate est extinctus: quia ejus nulla usquam quod sciam, extat aut memoria, aut mentio.* At si nulla ejus exstat memoria, unde ergo Fabricius de hoc Eccardi filio factus certior? ODA porro Boleslao nupta non Eccardi II. quod habet Fabricius, sed Eccardi I. fuit filia: prout a Dn. Præside in *Historia Eccardi I. Sæc. XIX. §. XIII.* ex Dittmaro demonstratum.

F I N I S.



COROLLARIA EX HISTORIA

OSTERLANDICA.

- I. Pars hodiernæ Misnæ, Veigthandiæ & Thuringiæ Elystro ac Mulda, ut & alicubi Sala fluviiis circumscripta jam ab antiquo vocatur Osterlandia.
- II. Ea non habet nomen ab Osis populis, quod putat Sarcerius: sed ab Euro Orientali vento, quem Germani *Ostwind* appellant.
- III. Et ita quidem dicta ob Thuringiam, cui ad Solem Orientem sita: imo olim Thuringiæ videtur pars fuisse, quæ quondam in *Australen*, *Süd-Schüringen*/ hoc est, Thuringiam propriè nunc dictam; *Borealem*, *Nord-Schüringen*/ inferioris jam Saxonie partem; *Occidentalem*, *West-Schüringen*/ quæ ipsa hodie est Hassia; *Orientelem* nostram, in das *Osterland*/ seu rectius, *Ostland*/ divisa.
- IV. Atque hinc est, quod sæpius *Terra Orientalis* in antiquis audiat diplomatis. Quæ res quandoque fefellisse videtur germanicum interpretem Codicis MS. Latini Diplomatum Döberlugensium in Bibliotheca nostra Academica, qui fere semper *Terram Orientalem* vertit, das *Osterland*/ cum interdum Lusatiam pro ea habeamus intelligere. At quando in eodem codice Orientalis & Lusatiae Marchionatus distinguuntur, per istam credo designari Osterlandiam.
- V. *Libonotria* eadem a quartidecimi sequentisque seculi Scriptoribus vocatur: quod nominis nonnulli a Principe nescio quo Harminii socio, Gartzo & Stella a Libonicis populis perperam derivant. Rectius forte a duobus ventis *Ans* & *Nord* *Ans* & *Africus* descendit. Quamvis non tam *Libonotbria*, sed *Libonotbia*,

thia, undecunque tandem originem capiat, appellanda sit.

VI. Ratio nominis utcumque dari potest, si Osterlandiam ad Lusatiam & Saxoniam retuleris: Thuringiam vero si spectes, nescio an quædam possit excogitari.

VII. Quam Dittmarus Mersburgensis Præsul *Australem Thuringiam* vocat, an Osterlandia sit, merito dubitaverim; nisi velimus dicere, ex Osterlandia perinde hanc conflatam esse, ac ex Austria, *Osterreich*: deflexione vocis plane vitiosa.

VIII. Osterlandiæ bonam partem quondam habuere Sorabi: his a Francorum Germaniæque Regibus vel e-
jectis vel in provinciam reductis, terra ea paruit Marchionibus Misniæ.

IX. A Misniæ Marchionatu tamen divisa quandoque fuit Marchia Osterlandica: quod forte circa tempora Alberti Marchionis cœpit, cujus filius Theodoricus Junior (Tizmannum vulgo vocant) hanc terram a patruo Theodorico Seniore videtur accepisse. Hinc in Doberlugenlibus ab anno 1289. diplomata sua sic orditur: *Theodoricus Junior, Landgravius Thuringiæ, Orientalis & Lusatia Marchio*. Et in Georgenthalicis ad ann. 1294. itemque 1299. hæc reperias: *Theodoricus Dei gratia Junior, Thuringia Landgravius, Lusatensis & Orientalis Marchio*.

X. Osterlandiæ partem fuisse opinor terram Plisnensensem inter Plisnam & Elystrum fluvios sitam: quæ tamen in multis diplomatis ab Osterlandia distinguitur: ut adeo fallantur, qui Osterlandiam terramque Plisnensem per omnia putent convenire.

F I N I S.

Pag. 15. §. 2. lin. 20. pro anno c1300. lege c1311. pag. 15. lin. 1. leg. anno c1314.
Cetera sphalmata lectoris æquitas excusaverit.

